

## Rifabutin: Kilen an ri-nañinmej eo bōk/idaak wūnokan nañinmej in TB

### Ta in Rifabutin?

Rifabutin (RFB) ej juon wūno in wā kōjerbale ñan kōmadmōde nañinmej in TB. Ewōr ruo unin wūno in:

1. Ñan kōmour jān nañinmej in TB (ñe bōke ippān wūno ko jet)
2. Ñan kōmadmōde kij in TB eo ekiki (latent) ilo jet wāween ko

Kij in TB ko eļap aer kajoor im pen mani. Kwōnaaj aikuj bōke/idaak wūno in 4 ļok ñan 12 allōñ ñan maroñ mane aolep kijin TB (bacteria) ko im kōmour eok jān nañinmej in TB. Taktō eo aṃ enaaj kowaļok jete allōñ kwōnaaj aikujin bōke/idaak wūno eo.

### Eļmān aō bōke/idaak wūno in?

E menin aorōk bwe kwōn idaak wūno in aolep raan ak āinwōt an taktō eo aṃ karōke. Mōkaj im kōjjeļaik taktō eo aṃ ñe kwaar kabōjrak aṃ idaak wūno eo liṃōṃ. Ñe kwōlikjab jān juon iien idaak wūno, idaak ilo iien eo emōkajtata, ak emo bōke ruo alen lo juon wōt iien. Kajjioñ bōk wūno eo ilo an eļeļok kobban ļojjem. Ñe ej kaabṃōñōik ļojjem, bōke ippān ṃōñā. Kōkoṃ wūno RFB eo ijo emṃōļoļo im emōrā.

**JAB** idaak arkool/dānnin kadek ñe kwōj bōk wūno in. Kwōmaroñ naaj kōjorrāan aj eo aṃ.

Keememej im kōjjeļaik taktō eo aṃ kōn wūno ko kwōj idaak ak jabdewōt wūno kāal ko kwōj jiṃo idaak. Ilo iien eo bōke wūno in, wūno in bōbrae jān bōrōro ko remaroñ jab jeral. Kōnnaan ippān taktō eo aṃ ṃokta jān bōk wūno in ñe kwōbōrōro ak kwōj kaninnin lo ittūt. Jab kōkōṃak kein jipañ erre ko kōļaaki lowaan mejaṃ ilo iien eo bōk wūno in kōnke emaroñ kōṃṃan aer māār.

### Ta jorrāan ko remaroñ waļok jān wūno in (side effects) im ij aikuj waji?

Enañin aolep armej rejjab būrabōļōm ilo aer bōk wūno RFB. Taktō eo aṃ enaaj aikuj waje wōt iok ilo aṃ idaak RFB. Jet jorrāan ko ekkā im maroñ waļok jān wūno in rej:

- Abṃōṃō ak metak ļoje
- Oran ak būrōrō kōļarin kapilo, dānnin kōṃjaaļaj, rawūt, bwidej (eļeļok Jorrāan)
- Jorrāan kil/lennab, ṃōṃōjṃōj
- Kōkaļle in būļu (piba, piṃ, addeboulul. jabjab-menowa)

**Ñe ewaļok jorrāan kein reļap jān wūno in (side effects), bōjrak jān idaak im kūrļok takteo aṃ:**

- Mōk/dolin ṃōk
- Mōļañļōñ/ṃōṃōjakeļok
- Kōļo-metak ilo ļoje
- Dike ṃōñā
- Eiaaļo kil ak māj ko
- Jil/marok kōlarin dānnin rawūt
- Piba iuṃwin jilu ak elōñļok raan

### Jidik jipañ ñan kilen bōk wūnokan TB eo liṃōṃ:

- Bōk wūno ko liṃōṃ kajojo raan ilo eja iien eo wōt, waanjoñok:
  - ṃokta jān kiki
  - Ilo jibboñ tata
- Kōjeral nien wūno eo ñan tarrin juon wiik
- Kōkaļleik kajojo raan ilo calendar eo ālikin aṃ bōk wūno ie
- Kajjitōk ippān juon nukwōṃ ak mōttam bwe en kakeememej eok
- Lōṃṃak in kajjioñe waje idaak wūno ak Directly Observed Therapy (DOT))